






~~14, 884.~~

Uf. 6734.



Uf 6734 (P1-5)





11.  
D. D.  
DISSERTATIO HISTORICA  
DE  
**HOLMGARDIA,**

Cujus  
PARTEM QUARTAM,  
CONSENTIENTE AMPLISSIMO SENATU PHILOS.  
IN REGIA ACADEMIA ABOËNSI,  
PUBLICO EXAMINI SUBJICIUNT

**JOHANNES  
BILMARK,**

FACULT. PHIL. ADJUNCTUS,  
ET

**JOHANNES COLLIANDER,**

WIBURGENSIS,

DIE VIII. DECEMBRIS ANNI MDCCLIX.

L. H. Q. A. M. C.

\*\*\*\*\*

ABOÆ, Impressit DIRECT. & TYPOGR. Reg. Magn. Duc.  
Finland. JACOB MERCKELL.



S:æ R:æ M:ris  
MAXIMÆ FIDEI VIRO,  
Reverendissimo PATRI ac DOMINO,  
**D: NO CAROLO  
FRIDERICO  
MENNANDER,**

S. S. Theologiæ DOCTORI Celeberrimo,  
Dioeceseos Aboënsis EPISCOPO Eminentis-  
simo, Regiæ Acad. ibid. PRO-CANCELLA-  
RIO Magnificentissimo, Scholarum per Dioe-  
cesin EPHORO Accuratissimo, Reg. Acad.  
Scient. Holm. MEMBRO Dignissimo.

MÆCENATI MAXIMO.

**N**on adeo mutis me fors inclusit Amyclis,  
Quæve diu tacuit, sic mea Musa riget;  
Amplius ut fileam, Patrius cum personat orbis,  
MAXIME MÆCENAS, laudibus usque TUIS.  
Vindice

1043327

Vindice TE floret pietas, Ecclesia vernat,  
Hæresumque nocent toxica nulla gregi.  
Heic fervent artes, nervi fontesque bonorum,  
Gnaviter & Musæ jam sua pensa trahunt.  
Quippe TUI cunctos recreat mox aura favoris,  
Et valde gaudes posse juvare bonos.  
Propter & ingenii vasti nitidissima dona,  
Notus es Eois, notus & Hesperiiis.  
Nam sive Historiæ campos spatiare per amplos,  
Vel quoque Naturæ mystica facta doces,  
Blandifono pangis plectro seu carmina sveta;  
Ista novem possent scripta decere Deas.  
Denique sic præstas facundæ munere lingvæ;  
Ut quosvis animos in TUA vota trahas.  
Sed TUA dum tento complecti carmine facta,  
Obruor, ac tantum Musa recusat opus.  
Mitte hæc, Calliope. Summum venerare Patronum,  
Qui fuit in dubiis portus & ara tibi.  
At quid agam? Voces ingens favor opprimit ore:  
Hinc tacita, at jugi TE pietate colam.  
Sume tamen facilis devotæ pignora mentis,  
Hoc opus, hæcce TUIS debita thura focis.  
Sint ea parva licet, nec tanto Nomine digna;  
Ast aliquid pretii candida vota dabunt:  
Nil TIBI, nilque TUIS noceant incommoda fati,  
Nec frangat vires publica cura TUAS.  
Vive diu felix, Heliconis adorea nostri,  
Præsidium Musis, alter Apollo vale!

REVERENDISSIMI NOMINIS TUI

humillimus cliens  
JOHANNES BILMARK.



Kongl. Maj:ts  
Tro-Öfenare och Capitaine af Kongl. Tawastehus-  
Regemente til fot /  
Wål Adle Herren /

Herr **A R V E D**  
**COLLIANDER,**

Min Huldaste Fader.

**A**ndteligen har jag fått lämna Martis modiga bus-  
sar / och åter begitwa mig til Musernas stilla och  
ljuswa Parker. Men at mit ödes skiepp / som  
hit tills blifwit kastat af allehanda wäder-ilar / nu får  
ankra wid detta lysra Låro-säte / måste jag / nåst Gud /  
tillskrifwa Er / Min Fromma Fader / som för min upkomst  
hast alt opspardt: ja försträckt mig mera / än Edra wil-  
kor welat tillåta. Jag har njutit af Eder så stora och  
många wålgjerningar / at hwarcken min tänke-gåfwa kan  
dem begripa / eller min tunga dem uttala. Imedlertid  
nedlägger jag för Eder / Min Hulda Fader / detta arbete /  
hwilket af mig / som et snille prof / skal förswaras. Uv-  
tagen det / som et litet wedermåle af den barnsliga wörd-  
nad, hwar af mit inre til döden lågar. Förshnen / som  
ifrån så många wädeliga tilfällen / hwilka i Batailler före-  
falla / mildeligen frålsat Min Hulda Fader / tackes med  
allsköns både andelig och lekamlig wålsignelse bekröna  
Edra grå hår. Så önskar af innersta hjerta

Min Huldaste Faders

lydigste Son  
JOHANNES COLLIANDER.

VIRO NOBILISSIMO,  
**D.NO P E T R O**  
**BOEKMAN,**

Ad Legionem Regiam Savolaxiensem Centurioni inclyto,

PATRUI LOCO COLENDO.

**D**antur homines perfrictæ adeo frontis, ut existiment,  
nullum omnino consortium Martem inter ac Palladem  
intercedere. Sed hi fere sunt, qui veram bellandi rationem  
ignorantes, temerarios ausus veræ fortitudinis specimina  
esse judicant. Ipsi autem media die cecutire mihi videntur.  
Etenim Doctrina, ut recte censet Magnus VERULAMIUS, non  
in civilia tantum atque artes pacis influxum habet, sed et in  
militari virtute exercet vim suam ac potentiam. Hinc etiam  
TU, Patre carissime, non minus Musarum frequentasti cho-  
ros, quam Bellonæ castra jugiter es secutus. In adolescen-  
tia enim tantos fecisti in litteris progressus, ut dignus sis  
habitus, qui ad majora confestim militaria munera provehe-  
reris. Deinde ut vacationem ætatis obtinuisti, totus in sci-  
entias incumbis. Proinde non indigne feras, quod non tam  
more, quam pietate in TE ductus, Dissertationem hanc TI-  
BI consecrem, in qua reperies Heroum facta, TUA, ut spero,  
cognitione non indigna. Quicquid sit, permittas opus hoc  
esse pignus prolixæ, quo TE prosequor, venerationis.  
Quam gratiam si dederis, ad Supremum Numen calidissima  
fundam vota, velit TE, omni felicitate mactatum, in lon-  
gam annorum seriem sospitem conservare! Ero, dum vixero

NOBILISSIMI NOMINIS TUI

cultor humillimus  
JOHANNES COLLIANDER.



Kongl. Maj:ts  
Tio = Tjenare och Lieutenant wid Kongl. Tava-  
stehus Regemente til for/

Herr **CARL HINRIC  
SASS**

Min Högtårade Herr Farbror.

**D**E stora wälgjärningar, som J, Min Farbror, i flere år helt oförtjent hafwen mig bewisat, förbinda mig til största årkänsla. Jag har länge önskat mig et sådant tillfälle, hwarigenom jag offentligen sige betyga min ödmjuka tacksamhet; men mitt swära öde har hit intil hindrat de wördsnads lågor, hwar af mit inre länge brunnit, at utbrista. Fågnar derföre mig så mycket mer af den anledning mig nu gifwes, at förklara åtankan af min skyldighet. Uptagen, Min Fære Farbror med wanlig önnest hwad jag har den äran at Eder upoffra; låt det så wara et litet wedermåle af den högsäkning jag för Eder wårda Person hyser. För öfrigt skal jag aldrig underlåta, at med trogna böner anropa den Högsta Guden, Han tacktes rikeligen förumna Eder all sällhet, som i denna wänskligheten kan af någon dödlig åstas. Förblifwer med tilgifwenhet och wördnad


Min Högtårade Herr Farbrors

Ödmjukaste tjenare  
**JOHANNES COLLIANDER.**



I. N. 7.

§. XLIII.



**R**egionibus quibusdam Gardariciæ a ferocibus populis, quorum mentionem nuper fecimus, occupatis, facies rerum in his oris admodum fuit mutata. Amicitia enim, qua Svecos plerumque amplexi fuerant Holmgardi, in nubilo hoc statu adeo decrevit, ut progenitores suos iterum iterumque armis laceffere non dubitaverint. Ut insultus hos ab orientali plaga sæpe ingruentes reprimerent Reges Svethiæ, seculo sexto magnis stipati copiis ad Holmgardica littora sese frequenter contulerunt. Inter hos Rex Upsaliensis **INGVARUS HARRA** seu *Excelsus*, Osteni filius, sua temere despici signa ægerrime ferens, cum contumacibus Holmgardis multa prælia non minus fortiter, quam feliciter gessit; adeo ut totam Estoniam in suam redegerit potestatem, nec non alias bene

A

multas



multas orientis regiones sibi reddiderit vectigales (a). Hinc statim progressus victricia arma usque ad Pontum Euxinum circumtulit, & *Chasaros* (b), qui, Hunnis, mixti imperium per Holmgardiam magis magisque extendere nitebantur, partim expulit, partim etiam sibi subiecit. Tum opibus & gloria insigniter auctus reditum in Patriam paravit. Ut autem in Estoniam pervenit, & res ibi constituit, cives jugum sibi impositum excussuri, ipsum, nihil periculi metuentem, fraudulenter aggressi sunt, atque una cum maxima exercitus parte in loco quodam, *Stene* (c) dicto, occiderunt (d). Quam inclyta autem hæc per septentrionem fuerit expeditio, plurima testantur monumenta Runica, in memoriam Virorum fortium, qui auspiciæ Yngvari sequentes in Oriente occubuerant, per Patriæ solum passim erecta, quæque ad nostram permanferunt memoriam (e). Ad hæc ferme tempora sunt illa quoque referenda, quæ annales Holmgardici de expeditione quadam in meridionales terras a Majoribus suis suscepta perhibent. Memoria scilicet produnt, se cum Gothis, e Scandia egressis, *TOTILÆ*, Regi Ostro-Gothorum, auxilia tulisse contra Imperatorem *JUSTINIANUM*, multaque prælia prospere gessisse: quod etiam Demetrius, Moschovitarum legatus, coram Pontifice Romano, *CLEMENTE VII.* adfirmavit (f). Hæc obiter. Magna autem clades, quam in Estonia acceperant Sveci, non diu inulta mansit. Manibus enim Yngvari & hujus commilitonum, sanguine conju-

conjuratorum populorum Orientalium strenue parentarunt filii ejusdem *AMUNDUS* (g) atque *SKIRA* (h). Immo, debellatis hostibus, rem eo perduxerunt, ut Skiram Regem suum eligere cogerentur Holmgardi (i). Ipse autem Amundus pretiosissimis ornatus manubiis in Svethiam remeavit, ibique felicitatem civium variis inventis promovit. Sicut vero Skira fortissimus fuit Princeps, ita nulli dubitamus, quin, Holmgardico admotus imperio, egregia multa ediderit facinora; quæ tamen rite exponere prohibet ingens monumentorum defectus. Denique observamus, quod dum hæc a Svecis geruntur, pars Gothorum auspicio Principis *ALGOTHI* Rotherum, Piratam Holmgardicum profligaverit, nec prius se hinc receperit, quam Bjarmii, ceterique vicini populi imperata facerent, & Svethiam perpetuo tributo agnoscerent superiorem. (k).

(a) Vid. *STURLONIDIS* Tom. I. p. m. 41, nec non *MESSENI* Sc. II. Tom. I. p. m. 25. (b) Hi populi ex genere Tattarorum fuerunt, veteresque Scandinavi ipsos non raro adpellarunt *Kussar*, vid. *STURLONIDIS* Tom. II. p. m. 57. atque *STRAHLENBERGI* Nord und Ost theil Sc. p. m. 172. Holmgardi autem illos *Casaros* nominarunt, cum quibus ante adventum Rureci multa & gravia gesserunt bella; jugum vero sibi impositum ope Varegorum tandem excusserunt, confr. *HERBERSTEINI* libr. de Reb. Muscov. p. m. 2. Ad hos populos referendi etiam sunt illi, qui minorem inhabitant Serklandiam, *Sirkassi* hodie dicti, vid. Henr. *BRENNER* Notar ad Seriem Principum Iberia & Sirkassia Sc. p. m. 89; cui addatur E. J. *BJOERNER* Prodrum ad Geographiam Scandia.



*Scandia.* (c) De situ & indole hujus loci pluribus differit *VILDE* in *Observat. ad H. S. P. p. m.* 113 & 187. (d) vid. *STURLONIDIS Tom. I. p. m.* 42. (e) Insignem horum, perquam eleganter delineatorum, numerum exhibet *PERINGSKJÖLD* in *Årtart. p. m.* 21 --- 27 inclusive. (f) vid. *REUTENFELSI libr. cit. p. m.* 33. Hinc Moschovitæ gloriari solent, se Gothis quondam auxilio fuisse in Cæsarum imperio destruendo ac Roma subvertenda; omnes vero propterea Gothos fuisse adpellatos, quoniam hi Auctores illius expeditionis existissent, vid. *Pauli JOVII libr. de legat. Moschovit. p. m.* 124. (g) Hac victoria perquam inflati Estones non minus, quam Holmgardiæ imperium meditabantur; quæ molimina etiam moverunt Amundum ad copias suas huc transferendas, vid. *BJOERNERI libr. de VAREGIS p. m.* 83. Ceterum Princeps hic populis Orientalibus tantum terrorem armis suis victricibus iniecit, ut, quemadmodum Svethiæ Rex *DOMALDUS Jota Dolgi* seu *Jutarum terror* erat dictus, vid. *STURLON. Tom. I. p. m.* 19; ita Amundus noster *Eiþra Dolgi* seu *Holmgardorum terror* nuncupatus fuit, conf. *STURLON. cit. a DALINO in Hist. Sv. Tom. I. p. m.* 395. (h) Nomina Propria ab initio pleraque fuerunt adpellativa; quod de nomine *SKIRA* pariter est tenendum. *Skira* autem partim innocentem, partim etiam aquis lustratum seu baptizatum denotat. Priori significato indicat hominem modestum & vitiorum sordes jugiter evitantem; posteriori autem, vocabulum hoc cum *stenkilli* nomine pulchre convenit. Porro nisi omnia me fallant, Princeps hic non ideo adpellatus est *Skira*, quod illo lustrationis genere, quo ab antiquissimis retro temporibus non solum Scandinavi, vid. *STURLON. Tom. I. p. m.* 71. & 118, verum omnes fere populi gentiles, usi sunt, initiatus fuerit; sed quod sanctissimo Baptismi lavacro sit tinctus. De probabilitate autem nostræ sententiæ tanto minus est dubitandum, tum quod

quod constet, faculas quasdam Religionis Christianæ, admodum licet raras, hac tempestate per septentrionales oras fuisse accensas, ceu egregie docent lapides Runci hoc seculo erecti, quos exhibet *PERINGSKJÖLD loc. cit.* tum etiam, quod genuina nulla & constans alioquin foret denominationis ratio. His adde, quod per crebra Regum Svethicorum & Holmgardicorum cum imperatoribus Constantinopolitanis fœdera, quæ etiam ante hoc tempus invaluerunt, ad notitiam augusti hujus Sacramenti facile pervenire potuerint Majores nostri, confr. *DALINI Hist. Svec. Tom. I. p. m.* 350, 351, 393. Plura argumenta, quæ nostram confirmant opinionem, silentio jam præterimus. Porro *Skira* hujus memoriam servat etiamnum monumentum Runicum in honorem ipsius Thalassiarchæ *SIGVIDI* in Sudermannia erectum, qui in expugnatione regni Holmgardici, duce *Skira* facta, occubuit; vid. *PERINGSKJÖLD loc. cit.* Denique tenendum est, quod ab hoc fortissimo Principe nomen suum acceperit Asiæ provincia *Skirvan* dicta ad mare Hircanum, sicut mihi benigne significavit *Cel. Prof. & Bibl. SCARIN.* (i) vid. *PERINGSKJÖLDI libr. cit. p. m.* 27. (k) confr. *Johannis MAGNI Histor. G. & Sv. libr. VIII. p. m.* 345.

§. XLIV.

*SKIRA* defuncto in imperium successit *RADBARDUS* (a) A. C. 590 circiter, qui, ut perquam verisimile est, illi suam debet originem (b); atque sedem imperii, more primariorum Holmgardiæ Regum, Aldejoburgi constituit (c). Inter regni ejus initia accidit, ut Princeps Svethica *AUDUR DIUÞAUGDA* (*Óða den Grundrika*), Regis Upsalienfis *IFWARI Widsamne* filia, immanem Patris crudelitatem exhorrescens, qui dolis atque insidiis



conjugem suum *HRÆRECUM Slangwanbøge* (d), Daniæ Principem, post primas matrimonii delicias e medio sustulerat, una cum parvulo filio *HARALDO*, postmodum *Hildetan* (e) dicto, in Holmgardiam se reciperet; sperans, se in his potissimum remotissimis terris securitatem fore obtenturam. Radbardus autem feminæ tam illustris misericordia captus, in aulam suam protinus ipsam admisit; ubi non minus propter venustatem, quam ingenuos mores Principi & adolescenti ita placuit, ut, impetrato ejus consensu, in matrimonium ipsam duxerit. Ex hac conjugē præter alios liberos, duos suscepit filios *RANDVERUM* (f) & *ROGNWALDUM* (g). Verum Iſwarus, cui, post perpetratum in priorem generum facinus, latrans conscientia quævis mala denuntiavit, novam eandemque insignem filiæ fortunam non sine vehementi indignatione cognovit. Partim igitur amplissimorum, quæ in Holmgardia ipsum manere videbantur, spoliū cupiditate allectus, partim etiam ulciscendi stimulis agitatatus, quod Radbardus se invito & non rogato filiam ejus matrimonio sibi junxisset, numeroſo stipatus exercitu in Gardariciam confestim advolat, nihil nisi cædes, rapinas ac incendia spirans. Sed vel ex eventu hujus expeditionis constare potest, quam exiguis momentis maximi sæpe casus intercidant. Scilicet præsentissimum, quod Holmgardis jam imminebat, exitium nec ingentibus copiis, nec argutis stratagematibus, sed ludicris præstigiis, quibus multa tribuebant gentiles, fuit

fuit depulsum. Paulo enim ante, quam provincias vastaret Holmgardicas, cum classem adhuc in anchoris teneret Iſwarus, factum est, ut prodigioso somno aliquoties excitaretur. Hujus porro interpretationem ut sinistram esse docuerat familiaris ejus *Hordus*, in mare sese præcipitavit; & sic turpi omnino, verum, ut ipsi videbatur, forti morte vitam haud longe ab Aldejoburgo, ubi castra habuit nautica, finivit (h). Exstincto ita Iſwaro, cum nemo esset, cujus auspicia jam sequerentur milites ejus, & præterea cogitarent, quod nulla omnino injuria a Rege Holmgardiæ fuissent provocati, infectis rebus suos repetiverunt penates. Radbardus autem hujus periculi metu liberatus, occasionem sibi oblatam privignum Haraldum in hereditarium regnum restituendi, temere dimittendam non esse censuit; quamobrem Iſwari nepotem, classi copiisque præfectum, in Patriam remisit. Sed tantis Haraldō non opus fuit præsidiis, ut sua sibi vindicaret; agnito enim Principi fasces imperii sponte sua submiserunt cives (i). Præterea aliam adhuc tempestatem sustinuisse videtur modo memoratus Holmgardiæ Rex. Etenim *ARTHUS*, Gothorum Princeps, cum Holmgardis, Livonis, Curlandis, aliisque vicinis gentibus bellum tanto successu gessit, ut Radbardus impedire non potuerit, quin & magnam famam & ingentes consequeretur manubias (k). Tandem de Radbardo est observandum, quod quamvis opibus ac copiis plurimum



plurimum valuerit, Regum tamen Upsaliensium imperio sese subducere non potuerit (l).

(a) Nomen hoc Gothica omnino originis est, descendens a *Rad* consilio, unde *Radsvdur* consilii plenus, atque *Barda* pugnare, unde *Bardage* pugna; & proinde *Radbardus* significat virum in belli fervore consilii plenum. (b) Confr. *DALINI Histor. Svec. Tom. I. p. m. 394.* (c) vid. *PERING-SKJÖLDI libr. cit. p. m. 28.* (d) Monuimus supra §. XXXIX. & not b. quod *SAXO* diversos admodum natales *Hildetano* nostro adsignet, nec ullus dubitat, quin cum alibi, tum etiam hoc in loco valde sit hallucinatus, Præterea & *Nostri Histor. Herv. & clarius aabus MS.* quod in Dania servatur, meminit, *Hildetanum* procreatum fuisse Rege *VALDARO* & *ALFHILDE*, filia *Isvari Vidfamne*. Ut nodi hi Genealogici, qui solvi plane non possunt, ita tamen secarentur, ut nominato MS. Danico quædam constaret integritas, *Cl. T. TORFÆUS in Serie Reg. Dan. libr. III. p. m. 314.* supponit duos fuisse *Haraldos Hildetanos*, alterum *Hræreo* & *Audure*, alterum autem *Valdaro* & *Alfbilde* prognatum, quorum utriusque matres de necessariorum ejusdam nomine filios *Haraldos* adpellarunt, utrique vero postea idem *Hildetani* cognomen usurparunt. Videns autem *Torfaus* facilius ista supponi, quam rite adstrui, ingenue concedit, mendum circa præsens negotium in *MS. Danicæ* irrepsisse: quod nos etiam existimamus. Denique observamus, quod agnomen illud *Hildetan* Historicorum ingenia plurimum torserit. Quidam enim ipsum ita adpellatum volunt a longis & prominentibus dentibus, quos tamen ex arbitrio ipsi adtingunt, ut rationem etymologiae suæ aliquam habeant. Alii autem deducunt origines nominis hujus ab *Hykla*, fidem alicui obstringere & *tan* subiecto, atque existimant, Regem hunc Imperatori *CAROLO MAGNO* homagium præstitisse. Hæc autem sententia

tia facile convellitur, si modo cogitemus, *Haraldum* nostrum circa medium sæculi VII. vixisse; sed *Carolus M.* circa initium sæculi IX. floruisse. Commodius igitur nomen hoc deducimus ab *Hidr* pugna & *tan* vel *dan* bono; adeoque *Hildetan* significat strenuum & felicem bellatorem, qualem *Haraldum* in initio saltem regni fuisse, vetusti annales satis docent, (d) Nomen hoc descendit a *Slenga* projicere & *baugr* annulo; illudque cognomen propterea accepit, quod annulum aureum occasione quadam in mare projecisset, vid. *VILDI observ. ad H. Sv. Puff. p. m. 220.* (e) Confr. *Fragmentum Histor. de Isvaro Vidfamne cit. a VILDE in libr. nom. p. m. 222.* (g) Hic *Svethia* Regi, *Sigardo Ring*, suppetias tulit in acerrima pugna *Bravallensi*, in qua magnam edidit hostium cladem; tandem vero a pugile *Ubbio Frisio* multis, eisdemque gravissimis, vulneribus transossus occubuit, vid. *TORFÆI Histor. Norv. Part. I. p. m. 450.* (h) Vid. *VILDI libr. cit. p. m. 223 & 227*; Cui addatur *TORFÆI Series Reg. Dan. Libr. III. Cap. VIII. p. m. 312.* (i) Confr. *A. A. EENS Dissert. de modis acquirendi imperium Svo-Gothicum p. m. 23.* & citatos ibid. ab ipso Auctores. (k) vid. *Johan. MAGNI Histor. libr. VII. p. m. 350.* (l) Hoc dilucide admodum ostendit *Histor. Herwara Cap. XX. p. m. 179.* *Isvar bin Vidfarni lagði tha under sig Sviavelde oc Gautland, Saxland oc all Auflurrike alt til Gardariki*, h. e. *Isvarus Vidfarni* tunc sibi vindicavit universam *Svethiam* & *Gothiam*, *Saxoniam* & omnes terras orientales usque ad *Gardariciam*. Idem prorsus ex alio *Herwara Hist. exemplari* comprobatur & *PONTOPPIDANUS in libr. cit. p. m. 351.* Egregie vero hæc omnia pro more suo explicat *VILDE in lib. cit. p. m. 219.*

## §. XLV.

EXstincto Radbardo, solum Patris conscendit  
B  
RAND.



**RANDVERUS** (a) circa medium fere seculi VII. (b). Hic tot septemtrionis provincias sibi subiectas tenuit, quot vix alius Europæ Princeps ista tempestate haberet. Post obitum enim Avi materni Svethiam & Daniam simul cum fratre *Haraldo Hildetano* rexit, & postea jure hereditatis imperium Holmgardicum solus obtinuit; ac proinde Monarcha totius fere Scandinaviæ fuit (c). In matrimonium duxit *ASAM*, Reguli cujusdam Norvegici, *HARALDI Gortrangerensis* seu *Geir-röderensis* filiam, ex qua suscepit *SIGURDUM RING*, Principem in Historia Patriæ maxime celebrem (d). Magnæ autem Randveri potentiae minus respondit perpetuitas. Etenim parum contentus avitum tueri splendorem, eundem propriæ fortitudinis experimentis augere satagit. Quamobrem junctis cum Haraldo copiis in Angliam sese contulit, & Northumbriam quidem in formam provinciæ redexit; verum in obsidione urbis *Lindesfarne* occupatus in florentissimo rerum suarum statu, ut caduca est mortalium conditio, subitanea morte correptus An. 680. circiter decessit (e). Dum vero Reges Svethiæ his temporibus partim in occidentalibus Europæ regionibus diutina gererent bella, partim etiam cum vicinis populis frequenter præliis distraherentur, sicque vires suas nimium attenuarent; factum est, ut gentes Orientales, non aliter ac si virtus Gothica senuerat, imperio Svethico sese sensim subtraherent atque regna sua postliminio recuperare inciperent. Verum isthæc molimina trajecto

trajecto in Gardariciam exercitu dissipavit fortissimus Sigurdus; Fennones, Livonos, Estones, aliosque Holmgardiæ populos post ardua certamina ad officium redire, ac Regibus Upsaliensibus annua, quæ consueverant, tributa pendere cogens (f). Interjecto tempore cum ab expeditionibus bellicis ob protractam ætatem vacaret Sigurdus, nubes quædam Holmgardorum Svethiæ littora infesta reddidit; verum, hi rebus minus prospere gestis, ad sedes suas mox reversi fuerunt (g).

(a) Hujus quoque nominis Gothicam reperimus originem. Descendit enim a *Rana*, quod extremitatem vel limitem alicujus rei denotat, & *verja* defendere; adeoque *Randverus* significat Custodem limitaneum seu Marchionem. Insuper observamus, quod cum hoc Principe inceperit *Dynastia Randveriana*, quæ diu in Patria regnavit, & demum in *EMUNDO ANNOSO* An. 1060 circiter fuit extincta. (b) vid. *PERINGSKJÖLDI libr. cit. p. m. 29.* (c) Confr. *VILDI observ. ad H. Sv. Puff. p. m. 236.* (d) Vid. *TORFÆI Hist. Nor. P. I. p. m. 448*, nec non *Hist. Hervara Cap. XX. p. m. 179, 180.* (e) vid. *TORFÆUM loc. cit.* inprimis autem consulatur *DALINI Hist. Tom. 1. p. m. 458.* (f) vid. *VILDI libr. cit. p. m. 245.* (g) Caterna hæc Holmgardorum, Svethiam invadentium, in *Historiola de factis Norna Gesti* dicuntur *QVANI* & *Curi*, quos Carelios fuisse existimat *VILDE loc. cit.*

## §. XLVI.

**L**audato Randvero in imperium Holmgardicum seculo VII. nondum adulto successisse *HERGELRUM* (a), admodum est probabile; cujus natales, nisi



nisi a Randvero sit ortus, nos penitus latent. In matrimonium duxit *YSGERDEM*, Principem in Gothia natam; ex qua suscepit filiam, *INGIGERDEM*, omnium suæ ætatis virginum facile pulcherrimam. Sub hujus imperio alma pace diu fruebantur Holmgardi; tandem vero ipsum, nihil hostile metuentem, noctu aggressus est Norvegiæ Rex *OSTENUS*, Sigurdi filius, atque mœnia Aldejoburgi, oppidanis alto sopore pressis, magna ex parte diruit. Hinc ad prælium est ventum, in quo licet Hergeirus fortissime pugnaret, hostium tamen multitudine obrutus cecidit (b); quo facto, totam Holmgardiam brevi tempore in suam potestatem redegit Ostenus. Ut vero cladem, quam Aldejoburgenses passi fuerant, cognovit *SKULIUS*, Jarlus Alfsburgensis, cui filiam educandam pridem traderat Rex, exercitum confestim contraxit, injuriam civibus illatam mascule repulsurus. Verum in ipso adparatu gravi adeo implicitus fuit morbo, ut comparatas phalanges ipse in aciem ducere non valuerit; unde factum, ut illæ prope Alfsburgum a Norvegis sint dissipatæ. Hæc cernens Skulius, vir non minus prudens quam fortis, se & alumnæ suam callido invento servavit. Enimvero ut subita & nimia felicitas raro solet esse diuturna; ita Ostenus hic, dum propter amplam victoriam convivia securius egit, in cubili suo a nominato Skulio paulo post fuit trucidatus. Hinc Procures Holmgardiæ convenerunt, atque regnum *HALFDANO*, Osteni filio, obtulerunt; quod tamen ipse vin-

vindictæ cædis paternæ totus intentus, *SIGISMUNDO*, Gothiæ Regi & Ysgerdis fratri, in Gardariciam evocato, dum rediret, administrandum tradidit. Halldano autem peregre profecto, Ulfkelus Robustus, qui Ducatum Alfsburgensem ab Osteno acceperat, totum Gardariciæ regnum sibi subicere nitebatur; verum perfida hæc molimina facile elusit ac dissipavit Sigismundi industria. Interea Halldanus, dum Skulium persequitur, in multa & gravia pericula incidit; quibus certe succubuisset, nisi Skulius, semper ignotus, suppetias ipsi oportune tulisset. Tantis beneficiis devinctus Halldanus, supplici Skulio facinus commissum condonavit. Præterea regno Holmgardiæ ipsum præfecit, nec non novercam suam, Reginam Ysgerdem, conjugem ipsi dedit; sibi Norvegiæ & Principem Yngigerdem reservans (c). Skulius autem fatiscienti imperio admotus, in eodem rite constituendo totus fuit occupatus. Suscepit etiam ex conjugē sua filium *HREGGWIDERUM*, qui robore ac fortitudine plerosque pugiles superasse, atque post Patris obitum regnum Holmgardiæ obtinuisse, memoratur. De hoc insuper Principe tantum constat, quod filiam habuerit *INGEGERDEM*, quæ nupta fuit *ROLFO Pedestri* (*Gange-Rolf*), a celebri illo Norrmandiæ Conquæstore probe distinguendo. Ad hoc ferme tempus referenda est ætas *REMIGII*, Principis Holmgardici; qui tamen Regulis potius, quam Regibus est annumerandus. Hic nuptias *ANNÆ*, filiæ Ducis Patriaborgi *VIGVALDI*, quem plurimis ornaverat beneficiis, ambivit;



cumque easdem impetrare haud posset, Duci bellum indixisse fertur. Deinde post varia certamina castellum, in quo familia regia commorabatur, tandem expugnavit Remigius; speciosamque prædam, Annam, domum deductam, matrimonio secum conjunxit, sed plerosque viros fortes adversæ partis captos ferro amputandos curavit. Denique non est reticendum, quod Remigius, cum priore sua conjuge duos genuerit liberos, filium *BALDUINUM* & filiam *ADAM*, quam sibi conjugem expetivisse dicitur Rex quidam Orientalis *NEREUS* adpellatus (d).

(a) Quod pleraque Principum Holmgardicorum nomina sint Gothica, & bellicum quid spirent, antea observavimus; idem quoque de *Hergeiro* est tenendum. Descendit enim ab *Her*, *Herre* Domino, Principe, & *Geir* veruto; unde *Geirs-oddi* vid. *STURL*, Tom. I. p. II. ac *Ger* bellum; significatque adeo virum, qui probe calleret artem projiciendi veruta in hostes. Profecto ob hanc peritiam laudantur Volsci apud *VIRGILIUM Georg. II. v. 168* - - -

*Adversumque malo Ligurem, Volscasque verutos.* Porro si quid valeat conjectura mea de ortu *Hergeiri*, proxima origo nominis repetenda est a loco matris natali, *Geirröder*. (b) Confr. *HALFDANI Ostenidis Historiam* p. m. 4, 5, 6. (c) vid. cit. *HALFDANI Histor. p. m. 56 & 57*, nec non *TORÆI Histor. Norv. Part. I. p. m. 295 & seqq.* (d) vid. *Historiam de ALBANO MS. citat. a BJOERNERO in libr. de VAREGIS* p. m. 78.

#### §. XLVII.

**P**roxime post obitum Hreggwideri seculo VIII. invenimus *HERTRYGGERUM* clavum imperii Holmgardici tenentem, qui magnum patrimonium non modo integrum servavit, sed illud ita adauxit, ut

ut regnum haberet terrarum spatiis atque incolarum numero facile amplissimum. Quibus hic parentibus sit ortus, tum etiam an cognationis quodam vinculo cum Hreggwidero fuerit conjunctus, solidæ aliorum disquisitioni relinquimus. Nobis tantum constat, quod duas suscepit filias, eodem quidem nomine *HILDUR* (a) insignitas, sed diversis admodum moribus ac studiis deditas. Altera enim illarum equos ac tela in deliciis habuit, altera autem colum ac telas, ceteraque sexus feminei negotia, diligenter curavit. Prior *BRTNHILDA*, posterior vero *BECKHILDA* deinceps cognominata fuit. Videtur autem Hertryggerus pacatum diu habuisse imperium: donec Principes Jotunheimici, *Hilder* & *Gautias*, virgines jam memoratas adeo clanculum raperent, ut Pater, omni licet adhibito studio, filiarum fata detegere non potuerit. Inter hæc *EGILLUS*, Smalandiæ Regis *HRINGI* filius, navem ad Holmgardiæ littora adpulit. Mox vero sibi obvium habuit custodem Hertryggeri limitaneum, *ROGNWALDUM*, quinque admodum navibus stipatum; quem cum paucis militibus adeo sortiter est aggressus, ut plerosque Holmgardorum interfecerit, & Dux ipse, plurimis saucius vulneribus, in fugam se conjecerit. Hic etiam, postquam suorum cladem Regi anhelus nuntiasset, exanimis decidit. Ad hoc facinus vindicandum missus fuit *ASMUNDUS*, Ottaris Halogiæ Regis filius, qui tunc temporis in aula vixit Holmgardica. Hic tamen post quædam certamina, eademque satis ancipitia, Egillum dignum judicavit, quem in amici-



amicitiam reciperet, receptumque Regi Holmgardi-  
co reconciliaret. Quid? Quod rem eo perduxerit,  
ut Egillus in locum Rognwaldi limitibus regni ca-  
stodiendis præficeretur. Hi porro Heroës multis la-  
boribus & longinquis defuncti itineribus binas Her-  
tryggeri filias, a se inventas, domum reduxerunt,  
easdemque ipsorum & Patris consensu publicoque  
Ordinum regni nutu uxores sibi impetrarunt; adeo  
ut Brynhilda Asmundo & Beckhilda Egillo in ma-  
trimonium cederet. Post hæc decessit Hertryggerus,  
in cuius locum successit modo memoratus Egil-  
lus (b); cuius singulas res gestas exponere a propo-  
sito nostro nimis foret alienum; inprimis cum præ-  
ter eas, quas modo enumeravimus, quid ad Holm-  
gardiaæ florem contulerit, tacentibus Historicis, pror-  
sus ignoremus. Denique silentio non est prætereun-  
dum, quod Principes Tattarici amicitiam & affinita-  
tem gentium septemtrionalium, ut Holmgardorum,  
hoc ævo ambierint. Scilicet Rex Tattariae (c) *RO-*  
*DIANUS* conjugem duxit Hunnalandiaæ Regis, cuius  
nomen in annalibus nostris non occurrit, filiam,  
ex qua suscepit filium *HERRAUDUM*, a multis pro-  
pter scientiam rei militaris valde dilectum. Hic post  
Avi Materni decessum regnum Hunnalandiaæ obti-  
nuit (d), atque, interjecto tempore, cum Pater & fra-  
tres partim a prædonibus interfecti, partim subita  
morte extincti essent, Tattariae imperio fuit præfe-  
ctus; adeoque Principum suæ ætatis potentissimus e-  
rat. Idem post varia fata & præclara fortitudinis  
specimina in matrimonium duxit *ASAM*, Gothiaæ  
Regis

Regis *HRINGI* filiam, atque ut videtur, Egilli supra  
laudati sororem (e).

(a) Nomen hoc deduci potest vel ab *Hilli* gratia, si-  
gnificatque adeo, Principes has in numero Charitum Holm-  
gardicarum fuisse, vel ab *Hilde*, quam instar Bellonæ co-  
luerunt gentes boreales. (b) vid. *Egilli & Asmundi Histor.*  
*p. m. l. 2, 8, 9, 70. &c.* (c) Tattaros hos, quibus im-  
peravit *Rodianus*, ad Wolgæ sese maxime incurvantis fle-  
xum constituit, adeoque cum Casanenlibus & Astracensibus  
eisdem esse, existimat *Petr. SALANUS in Notis ad Egilli &*  
*Asm. Hist. p. m. 131.* Contra ea *TORFÆUS in Hist. Norv.*  
*p. l. p. m. 315.* suspicatur, Tattariam hanc fuisse partem  
quandam Holmgardiaæ, ad littora usque Maris albi exten-  
sam, adeoque Bjarmiaæ vicinam. Et hanc verisimilem sen-  
tentiam loco quodam ex Sturlonide adducto argute compro-  
bat. (d) Confr. *Egilli & Asm. Hist. p. m. 30,* vel, si vacet,  
*PONTOPPIDANI libr. cit. p. m. 361.* (e) vid. *cit. Egilli &*  
*Asm. Hist. p. m. 75. collat. cum p. 38.*

#### §. XLVIII.

**P**orro cum nulla in annalibus sit memoria gesto-  
rum Egilli, quæ in Holmgardia fecit, postquam  
habenas imperii capefflavit, credere par est, ipsum,  
natalis soli amore ductum, avita sceptrâ paulo post  
repetivisse. Immo ex familia illius Principem, in  
Gardaricia regnantem, nullum omnino reperimus.  
Quoniam igitur *HERRAUDUS* quidam hoc circiter  
tempore Holmgardis imperitavit; probabile est, quod  
Egillus, hinc discedens, adfini suo Herraudo, cuius  
nuper mentionem fecimus, imperium reliquerit.  
Multas certe calamitates hætenus senserat Holm-  
gar.



gardia; verum quas bellicosissimi e Scandinavia Viri sub Regis modo memorati imperio provinciis Gardariciæ iterum iterumque intulerunt, nec pauciores nec minores sunt censendæ. Inter alios vero, qui tranquillitatem horum populorum turbaverunt, innotuit *AUGMUNDUS* quidam *Eythiofcida* (a), non minus propter immania flagitia, quam fortia facinora longe lateque famosus. Hic ex Norvegia, natali solo, navem solvens, partim in Gothia, partim etiam in Holmgardia varia cum pugilibus obviis habuit certamina, sed pleraque infelicia; multa temeritatis, plurima autem perfidiæ & crudelitatis vestigia ubique locorum relinquens. Tandem *Geirraudi* gigantis, vel, ut verisimilius judicamus, Reguli Holmgardici adfinitate, ducta in matrimonium filia ipsius *Geirride*, auctus, partem quandam Holmgardiæ consecutus est. Multos deinde sibi subjecit regulos; quibus, ut ferocissimum ipsi fuit ingenium, non magna solum, sed etiam inhumana (b), prorsus imposuit tributa (c). *OERVARUM ODDUM* (d), Grimi Hirsutigenæ filium, ex Norvegia itidem ortum, fortissimum inprimis æmulum expertus est nominatus Augmundus, qui palmas ipsi dubias sæpe reddidit. Ille ex gigantis cujusdam *Hilderis* filia, *Hildigerde* nuncupata, filium *Viguerem*, statura atque viribus communem hominum modum superantem, suscepisse traditur: quem adolescentulum atque insidiis cavendis minus adfvetum interemit Augmundus. Ex qua cæde tantum vulnus accepit pater, ut inter ipsum & sicarium hunc continuum bellum atque si-

multas

multas fuerit. Primo igitur in Bjarmiam, mox in Gardariciam sese contulit Oddus, partim quod avitos penates, nati sanguine adspersos, ferre non posset; partim quod Augmundum, quem in his oris degeret cognoverat, ulcisci vellet. In Holmgardiam autem perveniens, in familiaritatem Regis Herraudi statim admissus fuit, & tanti factus, ut Marchio constitueretur, ac proximum a Rege dignationis locum obtineret (e). Post hæc in matrimonium duxit *SILKISTE*, Herraudi filiam; immo post Regis hujus obitum ad imperium pervenit Holmgardicum. His instructus viribus vindictam, diu meditatam, non distulit, sed Augmundum ita ad incitas redegit, ut annua ipsi tributa pendere cogeretur. Qua victoria contentus imperium ad seram usque senectutem placidus administravit. Tandem autem ingenti in Patriam amore ductus, Norvegiam, quam sibi fatalem futuram vates pridem cecinerant, rursus petiit; ubi a vipera, ex cranio equi sui, jam dudum mortui, erumpente, graviter vulneratus occubuit (f). Hic etiam Oddus ex conjugē duos suscepit filios *AUGMUNDUM* & *HERRAUDUM*, qui patri in imperium quidem successerunt (b), sed qualia sub illis fata experta sit Holmgardia, prisca reticent monumenta.

(a) Hoc cognomine eam ob causam fuit insignitus, quod nutricium *Eythiofum*, optime de se meritum, occiderat. Vocatur etiam *Augmundus Floccus* vid. E. PONTOPPIDANI libr. cit. p. m. 355, ab illo *Flocco*, cujus in antecedentibus mentionem fecimus, probe distingvendus; quippe quæstate longe fuit posterior, (b) Scilicet a Regibus sibi sub-



jectis pilos tam superioris, quam inferioris labii una cute subiecta cute, præter grandes pecuniarum summas, exegisse traditur, vid. *PONTOPPIDANUM loc. cit. (c) Confr. TORFÆI Hist. Norv. P. I. p. m. 272 & 273. (d)* Hic Oddus insignem calluit jaculandi artem; quare etiam in vetustis annalibus *Oddus Jaculator* non raro salutatur. Quid? Quod propter hanc peritiam celebris jam ante evasisset ejus familia. Ipsius enim avus *Catillus Hengus* possedit *Sagittas Gufianas*, quæ non minorem in Norvegia, quam Herculis quondam in Græcia consecutæ sunt famam. Quamvis porro Oddus noster in aula Svethiæ Regis Ingialdi Illrada aliquamdiu sit commoratus, vid. *BJOERNERI libr. de Var. p. m. 21*, quem seculo VII. regnasse constat; hoc tamen non impedit, quominus sec. etiam VIII. ipsum floruisse existimemus, siquidem per longam annorum seriem & quidem per aliquot secula vixisse narretur, vid. *TORFÆI libr. & loc. cit.* Denique notandum est, quod *BJOERNERI libr. cit. p. m. 54 seqq.* existimet, hunc Oddum eundem prorsus esse cum illo *Olego*, qui tempore *Ingonis*, Holmgardicæ Regis, vixit. Et revera, complures circumstantiæ, imprimis quæ mortis genus utriusque concernunt, adprime in ipsum quadrant; quocirca in eandem sententiam confestim irem, nisi volentem revocaret diversa utriusque ætas. (e) vid. *BJOERNERI libr. cit. p. m. 24. (f)* Inter alios Duces, quos in vigore ætatis superavit, fuit *KNIELUS*, Princeps Kjæ-nugardensis, vid. *BJOERNERI libr. cit. p. m. 32. (g)* Confr. *TORFÆI libr. cit. p. m. 273 & 274. (h)* *BJOERNERI libr. cit. p. m. 33 & 35.*

### §. XLIX.

Interea vero, dum sive Herraudus sive ejus filii ad gubernacula regni Holmgardici sedent, *OLAVUS*, quem

quem Asmundus supra memoratus ex conjugē suā Brynhilda suscepit, Princeps fortissimus, partem hujus imperii vel armis sibi subiecit, vel hereditate est consecutus (a). Hic intra avitos penates non consenuit, verum quamprimum ætas permisit, regnum amicis suis defendendum tradidit, dum ipse in exteris regionibus opes & gloriam sibi quæreretur. Classe igitur atque exercitu comparatis, occidentem versus in Norvegiā cursum dirigens, ad scopulos, *Ulfvaskjær* dictos, primum adpulit; quibus spoliatis, alias quoque insulas in suam redegit potestatem. In quadam vero harum obvium sibi habuit *Rognvidum*, gladiatorem ferocem; qui, instituto certamine, duos quidem Regis hujus Marchiones & comites confestim prostravit; ad postremum tamen a Hromundo clava percussus occubuit. Deinde Olavus ad insulas Orcades est profectus, ex quibus magnas etiam egit prædas. His feliciter gestis, in Vallandiam sese contulit, ubi multa imperterriti animi specimina edidit. Hinc amplis onustus manubiis in Patriam rediit, ibique tranquille imperium aliquamdiu administravit (b). Interjecto autem tempore duo Gothiæ vel Norvegiæ reguli, cognomines *HADDINGI*; Olavum ad certamen singulare, in glacie lacus Vestro-Gothici Væneri habendum, nuntiis missis, provocarunt. Nec pugnae aleam ipse detrectavit, sed cum Vinkingis his sæpius & vario Marte est congressus. Tandem quoque, opera imprimis fortissimi Hromundi, cui propterea sororem germanam, *SWAN-HVITAM* (c), in matrimonium dedit, speciosam re-



portavit victoriam (d). Hoc circiter tempore floruisse mihi videtur Jarlus Holmgardiæ, *ASPER* dictus, quem propter potentiam in magno honore habuerunt vicinæ gentes. Hujus filiam *Rasnborgem* thori sociam sibi expetivit *Sigurdus*, Regis Glælisvallis *Gudmundi* filius; verum ipso nuptiarum die a Jarlo quodam, *Quintalino*, structis insidiis & abducta prius sponsa, e medio fuit sublatus (e).

(a) Vid. *HROMUNDI GRIPSONII Histor. Cap. I. p. m. 1. Sa Kongur riede fyrer Goraum, er Olafur biet, han var Son Gnodar. Asmundur, han var fragar Madur. h. e. Gardariciæ præfuit quondam Rex inclytus, Olavus, Asmundi Gnodarii filius. Cognominatus autem est Gnodarius a Gnode nave sua insignis magnitudinis & fabricæ, vid. *BJOERNERI libr. cit. p. m. 65.* (b) vid. *cit. Hromundi Histor. p. m. 1 - - - 8.* (c) Habuit præterea aliam sororem *Dagny* adpellatam. (d) Confr. *BJOERNERI libr. cit. p. m. 68.* (e) vid. *SAMSONAR. FAGRAS Histor. p. m. 33 & seqq.**

### §. L.

**Q**UOS nuper recensuimus Principes Aldejoburgenses cum Regibus Upsaliensibus fidam plerumque coluerunt amicitiam. Contra ea autem Reguli Holmgardici, qui proxime memoratis seculis floruerunt, impatienter admodum tulerunt imperium Sverthicum. Igitur non sine blanda quadam voluptate cognoverunt insolentem ardorem, vel potius furorem, qui hoc tempore Scandinaviæ Principes ad regiones Europæ remotissimas raperet, ubi continuus bellis vires suas attererent; certo certius si

bi promittentes, has in occidentalibus terris sævientes tempestates nulla sibi allaturas fulmina, si in libertatem sese adfererent. Copias igitur undique comparant, Sverthiam, viris ac opibus pæne exhaustam, jam jam oppressuri. Brevi autem didicerunt orientales hi populi, quam plena periculi res sit, leoni, licet ægrotanti, insultare. Prius enim, quam surgentes cernerent nubes, tonitrua, justas perfidiæ pænas ipsis minitantiæ, non sine stupore audiverunt. *RAGNARUS* quippe *LODBROKUS*, qui non minus longinquis expeditionibus, quam felicibus armis inclauit, sua auctoritate & potentia facile prævertit & sustulit anomalias, quas sua absentia per Gardariciam produxerat. Non solum enim feroces gentes mascule repulit, sed, trajectis insuper phalangibus, Regulum quendam, *DIAN* (a) adpellatum, post ancipitem pugnam superatum occidit. Deinde binos hujus filios, *DIAN* atque *DAXON*, Reguli cujusdam Holmgardiæ generos, qui paternæ cædis vindictam moliebantur, prælio devicit, & gentes, quæ horum signa sequebantur, omnes in fugam coniecit. Hinc in devictorum Principum Socerum, cujus nomen non habetur, exercitum movit: sed hic, viribus suis diffusus, salutem fuga quæsit (b). Pari successu ceteros, quos deprehendit, contumaces persequitur, nec prius hinc discessit, quam octo regulos sibi vestigales reddidit, totumque imperium Holmgardicum in suam redegit potestatem (c): quod filio Hwirserkero regendum postea concessit. Ipse autem versus septentrionales regiones sese contulit, Bjarmios, in res novas



novas pronissimos, debellarurus. Sed ipsi heic negotium fuit non cum militibus tantum, verum cum vaferrimis magis & horrendis larvis; quare infectis rebus hinc primum recedere coactus, ad Sembos & Curlandos sese convertit. Ab his benigne exceptus & copiis atque com meatu satis instructus, in Bjarmiam denuo revertitur. Hæc omnia præviderat Bjarmiorum Rex, quocirca opem *MATALLI*, Reguli cujusdam Fennonum, sollicitaverat, impetrataque haud exigua sagittariorum manu, Ragnarum iterum iterumque est aggressus. Tandem vero secunda fortuna insolentiores facti Bjarmii, deque rupibus in campos descendentes, aperto Marte prælium commiserunt, sed facili tunc victi sunt negotio. Præterea Rex illorum occisus fuit; Matallus autem oportune sese domum contulit (*d*). Hoc consensionis globo ita disjecto, populisque ad pristinum reductis officium, in Svethiam properat Ragnarum, ut aliis vacaret expeditionibus (*e*).

(*a*) In vetustis annalibus hic vulgo dicitur Rex *Hellesponti*, vid. *SAXON. GRAM. libr. IX. p. m. 172*. Scilicet ut Monachi, in Scandiam venientes, Gardariciam Græciæ nomine insigniverunt; ita Mare quoque Balticum cum Hellesponto ipsos perperam confudisse verisimile est. Profecto Regnum Dianis in Estonia vel Livonia quærendum esse, jure optimo contendit *E. PONTOPPIDANUS libr. cit. p. m. 352*. (*b*) vid. *SAXO GRAM. loc. cit. vel*, qui historiam hujus expeditionis in compendium misit, *TORFÆUS in Serie Reg. Dan. libr. III. Cap. X. p. m. 354*. (*c*) confr. *M. 6ÖRANS-SON in Historia Regum Svo-Gothicorum p. m. 86*. (*d*) vid. *MEURSII Hist. Dan. libr. II. p. m. 41*; cui addas *PONTOPPIDANI*

*PIDANI libr. cit. p. m. 352 - - - 354. (e) Ragnarum nostrum a-* liam adhuc expeditionem in Holmgardiam suscepisse, auctor est *TORFÆUS loco nuper citato*. Scilicet, ut cognovit filium *Hwitserkerum*, dolis circumventum, occubuisse, classem confestim instruxit, qua auctorem cadis hujus persecutus, vivum eundem cepit. Hic proinde rigidissimas poenas haud effugisset, nisi gratiam victoris supplex implorasset, sanctæque promississet, se annua ipsi pensurum tributa. Hæc Torfæus. Meliora autem monumenta ostendunt, *Hwitserkerum*, satis Patris sui superstitem, ultionem indignæ mortis ab *ELLA*, Jarlo Northumbriensi, cum fratribus severissime exegisse, confr. *Hist. de Ragnar Lodbrokio Cap. 22*.

# §. LI.

**S**piritus haud minus animosos inde a teneris conceperat *HWITSERKERUS* (*a*), cujus modo mentionem fecimus, quam pridem aluerat impiger Ragnarum. Ipsius enim adolescentia ad scientiam rei militaris non alienis præceptis, sed suis imperiis, nec offensionibus belli, sed victoriis est traducta. Scilicet partim in Gallia, partim quoque in Britannia tanta fortitudinis documenta edidit, ut exercitus populorum, qui cursum victoriarum ejus retardare nitebantur, feliciter prostraverit, multos etiam sola adventus fama dissipaverit (*b*). Ex longinquis autem his expeditionibus domum redux, hostem satis acrem in ipsa patria expertus est *OLAVUM TRÄTELJA*, Vermelandiæ Regem; cum quo diu & ancipiti Marte pugnavit. Tandem vero bellum his conditionibus fuit compositum, ut *Hwitserkerus* Finlandiæ partem, Holmgardiæ con-

D

ter-



terminam, quam, ab hoc regno avulsam, sibi procul dubio subjecerat Olavus, reciperet, & vicissim *INGE*, Olavi filius, Ragnari Lodbrokii filiam atque Hwitferkeri sororem conjugem nancisceretur (c). Aliam præterea tempestatem, Rege hoc absente, sustinuit Holmgardia. Dum enim una cum fratribus in Anglia fuit occupatus in morte patris vindicanda, Dani, occasione inservientes, Curlandiam, contra Svecos tunc rebellem, multitudine navium congregata, intercipere sunt conati; sed irritò conatu & magna a Guronibus accepta clade. Fatigatis quidem, sed adhuc contumacibus populis superveniunt Sveci, atque ductu Principis cujusdam *OLAVI* (d) ipsos ad pristinum redire officium cogunt (e). Paulo post victo & occiso Ella, Duce Northumbriensi, in Gardariciam properat Hwitferkerus; ubi armis & prudentia tantum valuit, ut Fennones, Holmgardi, Estones, Slavonii, Krivitzii atque Meriani annua ipsi penderent tributa (f). Quid? Quod remotiores etiam Principes amicitiam Regis hujus Holmgardici quaesivisse videantur. Etenim post mortem Imperatoris *LOTHARII* I. quæ An. 855. contigit, *RADISLAUS*, Moraviae Rex, glissentibus tiner filios imperatoris discordiis, partem regni, quam ipsi eripuerant Hungari, se recuperaturum speravit; ideoque cum Poloniae & Holmgardiae Regibus foedus inilit, a quibus magna deinceps impetravit auxilia (g). Interea, dum hæc geruntur, Hwitferkerus, qui domi remanserat, imperium constituit. Enimvero in pacis studia haud nati fuerunt

fuerunt Ragnari filii. Immo, ne quid dissimulem, perversa adeo tunc erant tempora, ut qui benevolentiam civium retinere vellet Princeps, continuis illos detineret bellis. Contracto igitur exercitu, more Majorum Thraciam versus sese contulit strenuus hic Rex. Et postquam cum classe ducentarum navium (h) Moschoviæ flumina transnaverat, sociumque expeditionis Ducem Kioviensem, *OSCHOLDUM* (i), adsumserat, tumidis velis Pontum Euxinum ingreditur. Deinde regiones Propontidis immaniter adeo populatur, ut ne templa quidem & monasteria sævitiam ejus effugerent (k). Hæc prima habetur expeditio propriis auspiciis ab Holmgardis versus Constantinopolin suscepta (l), & incidit in An. 864. vel 865. circiter, *MICHAËLE CUROPALATE* & *BARDA* ad gubernacula imperii Byzantini sedentibus (m). Nec diu moratus, ipsam Constantinopolin recta petit Hannibal noster, quæ extremum subitura interitum jam videbatur. Imperator enim Michaël gravissimo cum Saracenis bello ea tempestate fuit occupatus (n), quod neque componere tum potuit, neque partem copiarum domum reducere sustinuit; satis superque prævidens, Arabes vel se recedentem inscuturos, vel reliquias exercitus mox aggressuros. Ut tamen ab ancipiti hoc, quo premebatur, periculo se expediret, bellum cum Saracenis gerendum Ducibus suis committit; ipse cum paucis admodum militibus in urbem penetrat, tonantem a Septemtrione tempestatem, quam vi & armis in

D 2  
ambigua



ambigua hac rerum crisi avertere non potuit, industria ac arte propulsurus. Tristi scilicet experientia dudum cognoverant Græci, morem gentium borealium non esse, aliorum invadere & occupare terras, ut illas perpetuo retinerent, sed opes tantum, quarum avidissimæ fuerunt (o), ac gloriam suis sibi victoriis quærere. Aurea igitur & argentea vasa, nec non pretiosissimas vestes sericeas ingenti copia Hwitserkero submitit Imperator; amplisque his muneribus suas provincias a gravissima liberavit calamitate (p). Pace deinceps & amicitia inter belligerantes Principes constituta, haud pauci Holmgardorum sacra Græcorum amplexi, æternæ salutis fonte sunt initiati (q); quorum etiam plerique, qui ab Imperatore Constantinopolitano palatinis officiis fuerunt admoti, in oriente occubuerunt. Tandem ut nova gloria novo titulo illustrior redderetur, Hwitserkerus primus fuisse putatur, qui sese *Chagan* salutari voluit (r). Ex Hellesponticis autem regionibus in Holmgardiam revertenti occurrit Princeps *DAXON*, acceptam pridem injuriam vindicaturus. Huius enim & patrem & fratrem, regno pulsos, occiderat Ragnarus. Quamvis vero recentibus ac numerosis instructus esset cohortibus, Holmgardiæ tamen regem armis superare diffidit; quare ad insidias vertitur. Nam facta cum illo pace, ut credebatur, integerrima, *Daxon* Hwitserkerum in urbe quadam lauto excepisse traditur convivio. Ubi vero nox incubuit, Holmgardi a militibus *Daxonis*,

nis, qui specie mercatorum oppidum intraverant, circumfessi nefarie trucidantur. Rex ipse non tam victus, quam vincendo fatigatus, quum propter ingentes stratorum hostium cumulos elabi non posset, captus fuit (s). Qui, cum ægerrime ferret, gloriam tot tantisque rebus feliciter gestis partam, intra horrida carceris claustra obscurari, nec alieno beneficio vivere vellet, a victore tandem impetravit, ut in pyra, ex occisorum militum capitibus congesta, quo sepulturæ genere nihil præclarior barbaro hocce ævo excogitari potuit, vivus concremaretur (t). Sicque Phoenix Regum Holmgardicorum illustrem vitam ignea morte commutavit. Denique notandum est, quod sub imperio Hwitserkeri floruerint duo Rufforum Principes *SAMOVITUS* atque *BOGARINUS*, qui Christianam doctrinam, quam Sacerdos quidam *Nawrok* ipsis annuntiavit, cum magna civium multitudine amplexi fuerunt (u). Hi autem Ducibus Primisliensibus annumerandi videntur.

(a) Utrum *HWITSERKERUS* fuerit eximii huius Principis nomen proprium; an vero cognomen, quæ quidem sententia haud paucis arridet, vid. *DALINI Histor. Sv. Tom. I. p. m. 482*, difficilis videtur quæstio. Nomen hoc profecto est antiquissimum, quo plures fortissimi viri olim sunt insigniti. Sic Holmgardiæ Rex *Ingvarus*, qui tempore *Sturlogi* vixit, Marchionem habuit *Hwitserkerum* dictum, confr. *Sturlogi Histor. p. m. 74*. atque tertius *Suipuri* filius vocabatur *Hwitserkerus*, vid. *Rolff-Krakus Histor. p. m. 40*. Alios ejusdem nominis, Hwitserkero nostro priores, silentio jam præterimus. Conveniant quidem multum quod ad sonum

D 3  
Serkian-



*Serklandia* & *Hwiterkeri* nomina, diversa tamen eorum etyma constituere par est. Ut enim illud provinciae, Finlandiae conterminae, impositum e lingua Fennica suos repetit natales; ita etiam hoc, Mavortibus Gothicis inditum, Gothicam spirat originem. *Hwiterker* igitur commode deducitur a Goth. *Hwit* candido & *Serk* lorica, vid. DALIN. loc. nuper cit. Quocirca observamus, quod non infrequens fuerit, homines a certo vestium genere cognominari, ceu inprimis exemplo *Ragnari Lodbroki* constat. Porro notandum est, album colorem tam ab aliis gentibus, quam a veteribus Scandinavis tanti factum esse, ut eidem Divini quid inesse existimaverint, vid. YORFÆI *Histor. Norv. Tom. II. p. m. 476*. Ab hoc igitur colore, feminis perquam dilecto, nomen acceperunt *HWITA*, Uplandiae Regis *Ringi* conjux, nec non plures *SWANHWITÆ*. Ulterius neminem existimamus futurum, qui derivationem a lorica desumptam, ceu nimis vilem ac regali fastigio indignam, explodat. Ut enim omnibus ferme armis singulares proprietates inesse, superstitiosa credit antiquitas; ita præstantissimam virtutem loricis, utpote corpori proxime contiguis, ipsa tribuit. Præterea ex albo colore, quo lorica *Hwiterkeri* fuit conspicua, deducimur ad genus ejusdem determinandum. Nam verò omnino est simile, quod hic Princeps vel jure hereditatis acceperit præstantem illam tunicam, quam mater ipsius *ASLAUGA* donaverat *Ragnar*o, in Angliam abituro, de qua vid. *Histor. Ragnari Lodbroki Cap. XV. p. m. 41*; vel etiam inter cetera regalis magnificentiae instrumenta ab imperatore *Michaële Curopalate lorica*m obtinuerit *Lintheam*, sed certo artificio ita induratum, ut gladio ægre potuerit perforari. Et quoniam talis vestitus populis borealibus insolens esset, cognomen *Hwiterkeri* ipsi fuit inditum. Profecto *Αἴας* Oileus apud *HOMERUM* *Ἰλιάδ. β. v. 529*.

Ἀλλὰ πολὺ μέλαινα ὀλὶγ' ἔμιν ἐν λινοδάμῳ;

ob

ob *Lintheam* celebratur *lorica*m; atque milites *IPHLICRATIS* propter similem laudantur vestitum, vid. CORNEL. NEP. in *vita Iphicratis Cap. I.* Si quis porro scire desideret, qua ratione ejusmodi loricae lintheae, quae vim telorum eluserunt, fuerint confectae, huic egregie satisfaciet *ROLLIN*, On a de la peine à concevoir comment de telles Cuirasses pouvoient defendre les Soldats & les mettre en seureté contre les coups, qu'on les portoit. Mais ce Lin trempé dans du Vinâigre, mêlé de sel, étoit tellement préparé qu'il se durissoit & devenoit impenetrable au fer, aussi bien qu'au feu, confr. *L' Histoire Ancienne Tom. V. p. m. 454 & 455*. Ab eodem denique vocabulo *Serk* descendit *Berserkorum* seu *Barserkorum* nomen, qui fuerunt pugiles adeo feroces, & tam superbi mortis contemptores, ut nudi atque sine loricis per instructas hostium acies discurrere & cum eis configere non dubitaverint; ferro enim impenetrabiles credebantur. Quales quidem immanes viros tempore Regis *Halfdani* in aula vixisse *Holmgardica*, atque propter ingentem rabiem famulos fuisse, ex *Gothrici & Rolfi Histor. p. m. 163*. dilucide constat. (b) Vid. DALINI *Histor. Sv. Tom. I. p. m. 522 & 523*. (c) Confr. PAULINI *GOTHI Histor. Arctiam Libr. II. Cap. XLIV*. (d) Hic Princeps imperium Svo-Gothicum interea administravit, dum *Ragnar*us & ejus filii abessent, vid. DALINI *Histor. loc. cit.* (e) vid. RIMBERTUM in *vita S. Ansgarii Cap. XXVII*. (f) vid. *Chronicon Russorum: POPIEST VREMIANICH* in dissertat. J. HELSINGII de *Origine prisca gentis Vægorum p. m. 56*. Russicus hic Scriptor testatur, pro quolibet viro solum fuisse πο οβελυ νιερνιζ. Significatio vocabuli *νιερνιζ* in lingua Moschovitica frustra quaeritur; in Polonica autem superest *νιερνιζ*, quod scituros denotat; quorum eum alii sint albi, alii nigri, alii denique rufi, mirum non est, quod Historiographus Russicus adjecerit *albo*, vid. T. S. BAYERLUM



**BATERUM** in *Act. Petropolitanis* Tom. IV. p. m. 304. Cui addas **P. PETREJI** *Chronicon Moschovit.* libr. II. p. m. 2. (g) confr. **Th. PESSINA** in *Marte Moravico* Libr. II. Cap. V. p. m. 146. (h) Non magna admodum fuisse navigia, quibus in suis expeditionibus versus Constantinopolin usi sunt Holmgardi, ex libro **CONSTANTINI PORPHYROGENITI** de administrando imperio p. m. 9. colligi potest: ἔπειδὴ ἐν τῷ μετὰ τῶν πλείων εἰς τὰς Φραγυὰς τῶν πελαγῶν γίνεσθαι τὰς ῥῶας, καὶ μὴ δύνασθαι διελθεῖν, εἰ μὴ ἐξαίρεσι τὰ ποταμὰ τὰ πλοῖα αὐτῶν, καὶ ἐπὶ τῶν ὤμων βασιλεῖς διαβήσωσιν. Ejusmodi navigia portatilia a veteribus Gothis **ASKAR** dicebantur, vid. *Hervar. Histor. Cap. V.* p. m. 68; unde & nostri **ASKMÄNNER** cognominati, & **ASCI** a multis usitati populis, nomen sunt sortiti. Notatu igitur digna est descriptio adparatus Holmgardorum navalis, quam tradit *Imperator MAURICIUS* libr. II. *Strateg.*; ἔχει δὲ καὶ ἀσκὰς βούνας i. e. habent autem navigia seu *Ascos* ex corio confectos. De modo, quo hi conficiebantur, pluribus differit **Dr. CANGE** in *Glossario media & infima Latinitatis*, voce *Ascus*. (i) Duorum Principum *Oscholdi* atque *Diari*, Comitum *Hwitserkeri*, mentionem faciunt *Moschovitarum annales*. Verum *Diar* non esse nomen personæ, sed muneris ac dignitatis, coincidens cum Goth. *Drott*, dudum observarunt acutissimi Historicorum. Hunc porro *Oscholdum*, eundem esse cum *ASLAKO*, *Bjarnonis Jarnside* filio, atque *Hwitserkeri* patruele, qui, patruo absente, immorigeros Curlandos ad officium redire coëgit, nec non post expeditionem Constantinopolitanam, in qua *Hwitserkero* suppetias tulit, familiam, *Kiovix* diu regnantem, condidit, perquam verisimile est, vid. *DALINI Histor. cit.* p. m. 523 & 537. Denique tenendum est, quod ab hoc Principe nomen suum acceperit fluvius *OSKOL*, qui in flumen *Tanaim* haud procul ab hujus origine illabitur. (k) Hanc vastationem

tionem prolixè & graphice describit **NICETAS DAVID PAPHLAGO** in *vita S. Ignatii Patriarchæ Const.* Tom. V. *Conciliorum* **HARDUINI** p. m. 956. (l) vid. *Simeonis LOGOTHETÆ Annales* in **MICHAELE** Cap. XXXVIII. p. m. 445. (m) confr. **T. S. BATERUM** in *Act. Petropol.* Tom. VI. p. m. 367 & 368. (n) vid. *Simeonem LOGOTHETAM & LEONEM GRAMMATICUM.* (o) vid. **CONSTANTIN. PORPHYROGEN. libr. cit.** p. m. 10. (p) Confr. *Continuatorem THEOPHANIS* p. m. 211. Alium præterea liberationis modum, sed plane miraculosum, tradunt **POVIST VREMIANICH & LEO Grammaticus**: Scilicet Imperator **MICHAEL** & Patriarcha **PHOTIUS**, fusis ad DEum precibus, e templo *Blachernarum* *Stolam B. Mariæ* sumserunt, cujus oram ut mari immergerent, maxima confestim furere coepit tempestas, quæ naves Holmgardorum ad scopulos allidentes gravissimum fecerunt naufragium. Sed quis, quæso, emundioris naris non videt, quod hæc narratio aniles nugas & monachales redoleat ineptias. Hoc autem inde plenius colligitur, quod Photius in epistola encyclica ad Patriarchas Orientis Holmgardorum expeditionem, sine ulla tamen miraculi memoria, exponat, confr. **BATERUM loc. cit.** p. m. 381. (q) Holmgardi, qui hac occasione conversi fuerunt in *Annalibus Græcorum CUMANI* dicuntur; quos vero *Kiovienses* fuisse, existimat **BATERUS loc. cit.** p. m. 390. (r) vid. *Corps Diplom. de DU MONT* Supplem. Tom. 1; vel, si vacet, consulantur *Annales Francici Bertiniani* apud **DUCHENIUM** Tom. III. p. m. 195. Tenendum autem est, quod *Chagan* fuerit nomen personale, vid. **REHTENFELSI libr. cit.** p. m. 33; inprimis vero hoc titulo dignitas & splendidum munus sit indigitatum. Hinc *Tattari Calmuckienses* Principem suum *Chan* adpellant, vid. *Tabulam Polyglottam insertam operi Historico STRAHLENBERGI*; atque Imperator magnæ *Tattariæ Tattar-Chan* salutatur. Porro vox *Chagan* seu *Chakan* lingua Arabica Imperatorem seu *Kofo*



*Царь* significat. Ab eodem vocabulo arcessendi videntur natales nominis *Czar*, quo principes Moschovitici postmodum usi fuerunt. *Zar* enim & *Czar* denotant *magnam*; quare etiam *Zargard* & *Miklagard* in annalibus nostris Synonyma habentur. His licet positis, non tamen morose repugnabimus, si quis originem vocis *Zar* a Gothico *Sar* Domino potius deducendam esse existimet. (s) vid. *SCHOENSTRÖM* in *Histor. Patr. MS. citat. a DALIN* libr. nomin. p. m. 525, nec non *Alb. KRANTZII Svec. libr. V. p. m. 304.* (t) vid. *Histor. RAGNARI LODBROKII* Cap. XXII. p. m. 61. (u) *Confr. STREDOWSKI Moravia Sacra libr. II. Cap. VIII. p. m. 234.*


ERUDITISSIMO DOMINO  
JOHANNI COLLIANDER,

Consanguineo Suo.

Quamvis nulla invenitur disciplina, cui sua non sit dignitas, ceteris tamen omnibus praestantia ac utilitate antecellere videtur Historia. Haec enim a DIONORO SICULO recte vocatur *Φυλακὴ τῆς τῶν ἀξιολόγων ἀρετῆς, καὶ τῆς τῶν Φαύλων κακίας, εὐεργέτις τῆς κοινῆς τῶν ἀνθρώπων γένεως*. Scilicet haec deducendo nos in familiaritatem hominum, qui multis retro seculis vixerunt, totius vitae ipsorum rationes nobis ostendit. Haec porro efficit nos secretorum arbitros, & Regnorum ac Rerumpublicarum arcana detegit. Omnes igitur, qui prudenter vitam suam instituere volunt, fidam hanc Magistram sequantur. Recte itaque, Mi. Amicissime COLLIANDER, fecisti, quod tam aliis scientiis, quam imprimis Historiae horas Tuas consecres. Quotum in hoc studio profeceris, vel ex Dissertatione hac, quam brevi es defensurus, satis superque constabit; auguro enim Te ex cathedra omnium bonorum adplausus fore reportaturum. Interea gratulor Tibi felicem ex Bellonarum castris ad iuenda Musarum delubra reditum. Gratulor Tibi eximias ingenii & corporis dotes, quas gravissima virtutum copula valde exornat. Denique ex toto pectore rogo, velis supremum Numen assiduitatem laborum Tuorum largissimis mactare praemiis. Teque incolumem in Tuum Tuorumque gaudium quam diutissime conservare.

OTTO REINH. BOEKMAN.







*Succia  
antiquitatis*



